



Rabu, 05 Jan 2022
Ogen: 1 Timotius 4:14-15



Dalanken Alu Tutus



Sekalok Moria ngelakoken sada kebiasaan dung kenca erbelanja, kune lit sen logam erga Rp. 200, Rp. 500, ras Rp. 1.000, maka sen e langsung i masukkenna ku bas sada ingan celengen. Ngidah sienda anak si umur telu tahun 10 bulan pe ngelakoken bage ka. Idahna mulih bapana erdahin nari minter ipindona sen rekeh janah imasukkenna ku bas celengen. Kenca setahun i bongkar me celengen enda ndai, janah i kira itukarken janah idat me senna Rp. 280.000.

Pengalaman enda mereken pengajaren man banta maka tutus i bas si kitik ngerehken ulih si mbelin. Rekeh e me bagin si kitik i bas duit/sen. Mekatep i sepeleken entah pe kurang iergaken, tapi kalak si tutus banci njadikan rekeh e jadi sada si mbelin. Paulus mpersingeti anak rohanina Timotius segelah ola sia-siaken pemere siibreken Dibata. Kerina sienggo ialoken arah suruh-surhen Tuhan e me kata pedah, kata pengajuk, penjemba arus idalanken. Labo terjeng ialoken, entah ibegiken saja tapi lebih asa si e lit perbahanen (tindakan nyata) guna ndalankenca. Enda me si penting, janah uga cara ndalankenca? Jababna arus tutus. Tutus seri ras nunut. La murah bosan. Kalak si tutus, e me kalak usur-usur ndahiken dahinna, janah la mesunah ipengaruhi ranan entah perbahanen kalak sideban. Ulihna kerina kalak ngidah kemajun geluh. Senina Moria, mbenaken perdalanen geluh i bas tahun 2022 enda tentuna lit rancanganen kerja entah tekad sibahan. Situliskan, kai-kai saja sinisuraken i bas tahun enda, e maka sibahan kerna uga cara ndatkenca. Wari enda iajuk kita segelah ngasup ndahiken, ndalanken, ngelakoken si e kerina alu tutus. Kalak sierdahin alu tutus, ngaloken ulih i bas kini tutusenna, bagi pengalamanen geluh moria si pepulung sen rekeh. Tutus ia pepulungsa, ialokenna ulihna i bas paksana.

Lit nilai lebih man kalak sindahiken dahin alu tutus